

Bosna i Hercegovina  
Federacija Bosne i Hercegovine  
Kanton Sarajevo  
Općina Novi Grad

Broj: 09-1-90-350/19  
Dana: 09. 07.2019. g.



JU OSNOVNA ŠKOLA  
**Fatima Gunić**  
S A R A J E V O

JU OŠ "Fatima Gunić", Nerkeza Smailagića broj 18, 71000 Sarajevo, Identifikacioni broj: 4200164690001, (u daljem tekstu: Naručilac), koju zastupa direktor Hajrudin Čuprija i

TRISARR-INN d.o.o. Sarajevo, ID broj: 4200324560002  
(u daljem tekstu: Izvođač) koga zastupa: direktor Marijana Selimović,

zaključili su

## UGOVOR O IZVOĐENJU RADOVA

### Član 1.

Predmet Ugovora je nabavka i montaža PVC sportske podne obloge, po Specifikaciji PVC sportske podne obloge u skladu sa kvalitetom naznačenim u Aneksu 2 tenderske dokumentacije broj: 09-1-116-294/19.

### Član 2.

Cijena PVC sportske podne obloge iznosi 41.967,90KM, sa uračunatim PDV-om, za JU OŠ "Fatima Gunić", Nerkeza Smailagića broj 18, isporučena i montirana (za opremu koju je potrebno montirati), u skladu sa ponuđenom cijenom iz Obrasca za cijenu ponude iz Aneksa 3 tenderske dokumentacije.

Cijena je fiksna i ne podliježe nikakvim promjenama za vrijeme trajanja Ugovora.

### Član 3.

Uplatu ukupne vrijednosti isporučene opreme u skladu sa zaključenim ugovorom izvršit će od 30 dana od dana isporuke i montaže kompletne količine opreme traženog kvaliteta. Izvođač radova je saglasan da Naručiocu neće zaračunavati zatezne kamate za zakašnjenje pri plaćanju preko "Trezora", ako je Naručilac u ugovorenom roku predao

nalog za plaćanje, a Izvođač primio uplatu s odgodom od jednog ili više dana od ugovorenog roka iz stava 2. ovog člana.

#### Član 4.

Naručilac će obezbjediti stalni stručni nadzor za vrijeme izvođenja radova tj. do primopredaje radova koji su predmet ovoga ugovora.

#### Član 5.

Izvođač se obavezuje da će PVC sportske podne obloge iz člana 1. ovog Ugovora, isporučiti i montirati u roku od 30 (trideset) dana od dana potpisivanja Ugovora.

#### Član 6.

Ugovoreni rok isporuke utvrđen u članu 5. ovog Ugovora, može se produžiti u slučaju:

- nastanka više sile ili drugih promijenjenih okolnosti koje Izvođač nije mogao predvidjeti,
  - kada ugovorne strane sporazumno produže ugovorni rok.
- U slučaju da nastupi viša sila ili druge promijenjene okolnosti koje Izvođač nije mogao predvidjeti, Izvođač je dužan o istom odmah obavijestiti Naručioca.

#### Član 7.

Izvođač se obavezuje da će ugovorene obaveze izvršiti blagovremeno, u ugovorenom roku, stručno i kvalitetno, sve prema dostavljenoj Ponudi.

#### Član 8.

Izvođač se obavezuje da će prilikom primopredaje opreme i izvedenih radova iz člana 1. ovog Ugovora Naručiocu predati svu potrebnu dokumentaciju koja prati opremu, zajedno sa certifikatima o kvalitetu koji su naznačeni u Specifikaciji PVC sportske podne obloge, iz Aneksa 2. tenderske dokumentacije.

#### Član 9.

U slučaju kašnjenja u isporuci opreme, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa. Ugovorni organi neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće

zbog vanrednih vanjskih događaja na koje izabrani ponuđač nije mogao uticati niti ih predvidjeti.

#### Član 10.

Naručilac je dužan pismeno obavijestiti Izvođača o svakom eventualnom propustu Izvođača u odnosu na pitanja utvrđena ovim ugovorom.

#### Član 11.

Ugovorne strane su dužne u roku od 5 dana obavijestiti drugu stranu o nastupanju razloga zbog kojih se ne može realizovati ovaj Ugovor.

#### Član 12.

Izvođač daje garanciju za kvalitet izvedenih radova od 24 mjeseca računajući od dana primopredaje radova u objektu i opreme. Izvođač garantuje za kvalitet izvedenih radova koji su predmet ovoga ugovora, kako je dato u ponudi izvođača. Izvođač je dužan da o svom trošku otkloni sve nedostatke na izvedenim radovima, koji se pokažu u toku garantnog roka. Ukoliko izvođač ne postupi po zahtjevu naručioca, naručilac ima pravo da na teret izvođača otkloni nedostatke angažovanjem drugog izvođača.

#### Član 13.

Naručilac može jednostrano raskinuti Ugovor:

- ako Izvođač ne izvodi radove prema ugovorenoj dinamici, a zakašnjenje nije posljedica vandrednih okolnosti;
- ako Izvođač izvodi radove nekvalitetno;
- ako poslije nastanka vandrednih okolnosti nije moguće nastaviti radove;
- razlog za raskid Ugovora može biti stečaj, likvidacija ili drugi oblik prestanka postojanja Izvođača ili više sile.

#### Član 14.

Ovaj Ugovor će biti implementiran u skladu sa svim utvrđenim uslovima iz tenderske dokumentacije, uključujući i dodatke (Anekse) koji čine integralni dio Ugovora.

Član 15.

Na odnose između ugovornih strana koji nisu uređeni ovim Ugovorom primjenjuju se odredbe Zakona o obligacionim odnosima Bosne i Hercegovine.

Član 16.


Ugovorne strane su saglasne da eventualne sporove u vezi ovog Ugovora rješavaju dogovorom, u protivnom nadležan je sud u Sarajevu.  
Ovaj ugovor je sačinjen u 6 (šest) istovjetnih primjera, od kojih svaka ugovorna strana zadržava po tri primjerka.

Član 17.

Ugovor stupa na snagu danom potpisivanja ugovornih strana.

Trisar-inn d.o.o ( Izvođač radova)

JU OŠ " Fatima Gunić " (Naručilac radova)

  
Direktor, Marijana Selimović

Broj: U-261-07/19

Datum: 24.07.2019.

  
Direktor, Harudin Čuprija

Broj: \_\_\_\_\_

Datum: 24.07.2019.